



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### არსენ თბილელი

არსენ თბილელი (ერისკაცობაში იესე ბაგრატიონი) (1757–30. XI. 1812), ქართლის სამეფო სახლის შთამომავალი, აბდულა ბეგის ძე, თბილისის უკანასკნელი მიტროპოლიტი, საქართვე. ეკლესიის დამოუკიდებლობისათვის მებრძოლი. აღიზარდა ანტონ I-ის გარემოცვაში. თავისი ძმის დავითისა და უახლოესი ნათესავის პაატა ბატონიშვილის შეთქმულებაში მონაწილეობის გამო ისიც იძულებული გახდა იმერეთს გადახვეწილიყო. აქ იგი ჯერ კაცხის მონასტრის წინამძღვრად, მერე ნიქოზის ეპისკოპოსად დანიშნეს. კრწანისის ბრძოლის (1795) შემდეგ ერეკლე II-მ ქართლის სამეფო სახლის ინტერესების გათვალისწინებით ა. თ.-ს თბილისისა და ბოლნისის სამიტროპოლიტო ჩააბარა. საქართვე. რუსეთის იმპერიასთან შეერთების შემდეგ (1801) რუს. მთავრობა ქართ. ეკლესიის თავისი მიზნებისათვის გამოყენებას ცდილობდა; ამიტომაც ა. თ. წმ. ანას პირველი კლასის ორდენით დააჯილდოვა და თეთრი ბარტყულით დაასაჩუქრა. შემდგომში მთავრობის პოლიტიკა საქართვე. ეკლესიისადმი შეიცვალა. ა. თ. წინ აღუდგა საქართვე. ეკლესიის რეფორმის მომხრე არქიეპისკოპოს ვარლამს (ერისთავი) და [ათანასე არქიმანდრიტს](#). მალე რუს. მთავრობამ ა. თ.-ს ბრალი დასდო საეკლ. ქონების მიტაცებაში, რის გამოც მისი თბილელიდან გადაყენება მოინდომეს. ა. თ. ამ გადაწყვეტილებას არ დაეთანხმა, მაგრამ მალე გარდაიცვალა. დაკრძალულია სიონის ტაძარში.

ლიტ.: И о с е л и ა ნ ი П. И., Описание Древностей города Тифлиса, Тфл., 1866.

---

**ვ. სიხარულიძე**